

江西通志稿

第一三册

江西通志

虎瞰山在新喻縣城南勢如虎踞俯瞰渝水山下巖高百尺石

皆赭色城北有雲岑山層疊盤迴其勢如雲一名來山舊建鎮

遠樓又北為登高嶺上有山如几又名玉几山巔有亭旁一

小阜方正砥平呼為印臺

蒙山在新喻縣北九十里周百餘里高五百丈相傳楚老萊子耕

於蒙山即此峭壁橫險喬木千尋常有煙霧蒙蔽其上有天雲

標月光峯彈子嶺風雨潭諸勝山之陽有曹王洞方廣三四丈

山之東有宋司業黎立武講堂其西為西華寺明梁寅讀書講

學於中山北隸上高縣西隸分宜縣

鵠山在新喻縣北七十里與寶珠嶺相映突兀青翠如鵠之立下

有雙井

瑪瑙山在新喻縣北六十里山自橫嶺逆峙十數峯至此圓埠

兀然土色赤白相間若瑪瑙狀山之陰有雷祠其麓有水月洲

憑谿有石梁名曰石步元時里人黎立禮引以為流觴曲水故

陟猶存

橫嶺在新喻縣北四十里狀如橫玉下有廖南嶽墓

廣教洞在新喻縣北五十里東山上虛敞如室者不一石乳所滴

成鐘磬花木虬龍之狀石壁多宋元題咏剝落不可讀

天石一作門峯在新喻縣北五十里三峯秀聳巨石對峙如門亦名

紫雲峯峯北為賜護臺東為神峯西為靈峯明梁寅建石門書

院於此

白梅峯在新喻縣西北四十五里縣志作北連互自分宜來峯聳

雲際產猴筍亦呼猴竹嶺上有晉習鑿齒廟明詹事習嘉言家

其下

圖嶺在新喻縣北五十里亦名雕琅嶺自橫嶺來連互數十里

其南嵯峨而奇削者為雲霧山其北尤高者為大表嶺

三層嶺在新喻縣北四十里山勢蜿蜒十餘里至是突為圓岡有

高下三級

江西省志 卷之八 地理志 山川 百丈峯在新喻縣東七十里縣至高峯界於新淦	橫琴嶺在新喻縣西北三十里山形橫枕若琴故名舊產鐵嘗置	冶場後廢	龍巖洞在新喻縣西北四十里中虛如覆釜光明透達石乳悉成	蓮花狀大者色如玉柱	湖九洞在新喻縣西北三十里山產銀明萬歷中遣內監開採尋	罷其地與分宜接壤清雍正七年建立界石	吟峯在新喻縣北四十里以宋初吳鸞兄弟吟嘯其地得	名與璜緱嶺對峙山下有泉曰吟泉	仰天岡在新喻縣西北十五里上有仰山廟廟前有仰天池其水	味甘歲旱不竭山半有石梁跨西崖號仙人橋澗中嘗產九節	菖蒲	蟠龍山 縣志作嶺 在新喻縣北十里自仰天岡至此山勢蜿蜒如龍石	泉清冷可溉田數千頃	

瑒岡在新喻縣東三十里山多瑒花即紀勝所謂玉潔幽香之小

石海峯在新喻縣東南三十里上有雙巨石俗呼了髻岡其南隸

峽江縣

鼎山在新喻縣南五十里頂有泉不竭灌田數十頃泉旁有頂泉

寺宋尚書謝諤讀書於此

三山在新喻縣南三十里東鍾形山南周桐嶺西佛臺嶺三峯竝

峙如筆架宋陳大猷居此明陳綸讀書山中有三山書閣相

近有貞華山一名薩陽山俗呼為雙陽山兩峯尖聳道上望之

如雙劍登其巔則一峯獨出清曠絕人

柵嶺在新喻縣南十里雙峯夾水對峙如列柵又谷陂嶺在縣

東南十五里蹲伏盤踞數里中有澗水長流不竭

白竹岡在新喻縣西三十五里多小白竹也隋時聚新喻縣山下有

銅山在新喻縣西南二十里舊產銅鑛唐大歷後置官場宋罷

鳳凰山在峽江縣治西邑之鎮山也自廬陵中保寨分劈而來治同

峽江志訂正舊志謂自頂山分脈按頂至頂山分脈徑白雲峯
山指近曉之山言遠脈則由廬陵來也
過都督嶺迤邐凡七十里重起大嶂若鳳張翼城跨其脊雲樹

樓台參差掩映
鐵雷山在峽江縣北三里有雷壇下為古巴邱鎮

刀劍山在峽江縣治南半里峙峽江之口山石巉巖峭峻故名
玉峽山在峽江縣南五里兩岸夾峙連嶺十餘里接吉水界山多

奇石峭壁色如青玉故名贛水浩淼至峽東於中而不得逞每

成怒濤為江險要
玉筍山在縣東四十里山之峯巒連絡不絕舊名羣玉峯根蟠百里

道書第十七洞天第八福地世傳漢武時帝降玉筍於山故名

漢梅福晉郭桂彭真一表景立梁杜墨永蕭子雲皆嘗學道於

此而九仙尤著世傳避秦士十人孔邱明駱法通吳天印張法

樞謝志空周仙用鄒武君謝幽叢楊元中何紫霄修煉於此惟

紫霄終隱何君洞九人者皆仙去故號九仙解縉西游集序云

周	末	有	避	秦	者	九	人	隱	玉	筍	多	為	四	言	詩	刻	石	間	郡	人	效	之	處	
陵	之	四	言	始	盛	有	三	十	二	峯	七	洞	六	石	二	十	四	壇	亭	臺	池	泉	之	
屬	舒	秀	標	異	皆	擅	奇	觀	其	木	產	之	最	異	者	曰	旃	檀	曰	琪	芝	曰	水	
晶	曰	月	華	曰	紫	靈	曰	雲	英	花	曰	白	鶴	草	曰	碧	茸	曰	金	英	曰	天	麟	
曰	大	青	曰	金	鳳	耳	目	罕	有	之	物	不	可	枚	舉	唐	令	孤	道	士	有	玉	筍	
專	志	今	失	傳	謝	修	道	有	玉	筍	寶	錄	宋	右	宣	義	郎	楊	扶	補	訂	寶	錄	
人	亦	罕	有	知	者	縣	志																	
太	白	峯	在	峽	江	縣	東	三	十	里	玉	筍	山	三	十	二	峯	之	一	相	傳	元	杜	元
老	錢	文	咏	飛	昇	處																		
七	層	峯	在	峽	江	縣	東	七	十	里	七	峯	連	絡	中	有	觀	音	巖					
郁	木	洞	又	名	郁	木	坑	即	肖	家	峽	在	玉	筍	山	中	道	書	第	八	福	地	梁	蕭
子	雲	携	家	隱	此																			
何	君	洞	在	玉	筍	山	紫	雲	巖	下	係	紫	雲	隱	此	洞	高	可	建	五	丈	旗		
雲	儲	洞	在	玉	筍	山	元	陽	峯	下	唐	吉	州	刺	史	吳	雲	儲	得	道	處	又	陳	傳

希夷嘗修道於此

都督嶺在峽江縣西七里相傳吳周瑜屯兵於此舊有相公祠今

廢下有七里洞

寶林山在峽江縣西十五里羣岫環擁竹樹陰森又西五里為

雞冠山二石卓立如笏俗呼雙簡石

白雲峯縣西三十里形如削筍秀色參天四時雲氣騰空與烟雲

臺東西相摩盪明曾櫻結廬在二山前因以二雲為號縣志

頂山縣西五十里挺崿千仞秀出天半曲徑犖确蟠旋而上至頂

復平行有田數十畝泉自石罅噴出懸瀑經天若玉虹斜貫旁

有仙掌巖中有古寺宋渝川謝諤胡昱嘗讀書其中山後界連

新喻縣志

黃金山在峽江縣南三十里黃金江上

石洞山在峽江縣西南三十五里四山皆高江水流其中水口一

山巉岧迴顧土人呼為獅孝一作子石

安山在峽江縣東南五十里有陳時岳陽王祠墓

石牛嶺在峽江縣南十里頂上石角崢嶸望若牛首故名下有小

廟廟前有雨潭風潭火潭

鳳凰山在新淦縣治東宋狀元何昌年故宅亦名何家山又縣北

五里岳廟前亦有鳳凰山

東山在新淦縣東二里有永壽寺待月樓宋劉次莊卜築寺前鑿

池曰戲魚自號戲魚翁有戲魚堂法帖其麓為明練子竈故宅

茱萸岡在新淦縣東五里產茱萸新淦志云上有雷神祠俗呼東雷

大盤山在新淦治東七十五里峯巒稠疊蟠衍數十里為撫樂交

界山左右迤邐直抵永豐峽江境縣志

栖碧山在新淦治東七十里毗連樂安龔舜咨讀書於此號栖碧

山人蔡慶源別墅嘯歌自適元吳澄傳與礪皆有詩記縣志

麻嶺在治東七十里山勢嶙峋綿亘數十里東南抵豐城樂安界

明常遇春由撫州率師進勦鄧克明處縣志

湓山在新淦縣東六十餘里一名玉華峯又稱湓峯高十里環十

二峯有紫元洞上有王郭浮邱三仙壇山出雲則雨

小廬山在新淦縣北縣志六十里上有石池澄泓如鏡又有石泉

飛瀑四注匯於山麓周百里南接樂安北抵豐城界

太平山在新淦縣東六十里山峯環疊下瞰溪流

石屋山在新淦縣東北七十餘里巉石如屋廣三丈中有石山山

麓有石溪寺

尚樂山在新淦縣東六十里上有宋武帝廟禿女岡皇后陂六尺

源羅公坑三百陂諸蹟

伏泉山在新淦縣東七十里上有泉飛空而下舊名石泉山唐天

寶中改今名

標樹坳在縣東七十里接樂安界

秋山在新淦縣東五十里有蘇令祠陳永定中蘇為巴邱令歿葬

於此相近有豐城山舊名百丈山唐天寶六載改今名

蘆嶺在新淦縣東三十里山蹊峻隘山半有亭

東阜嶺在新淦縣東十五里上有仙壇明嘉靖間因文廟改設木

主乃移供聖像於其中

大羅山在新淦縣南三十二里出雲則雨下有甘泉

茅山在新淦縣東南四十里下有龍潭將雨則興雲霧

秀峯山在新淦縣南二十里俗呼南雷山相連者為雙峯席帽峯

獅石嶺

綿峯在新淦縣南二十里山產黃檗又名黃檗山亦稱綿嶺

楓岡山在新淦縣南十里上有古寨相傳唐末彭玕拒得楊行密

於此有瀑布西注遠望如白虹相近為峽山有霧峯祠又有

刻木山立廟祀丁孝子俗謂丁蘭也

天柱峯在新淦縣東北二十五里兩峯並起曰大天柱峯小天柱

峯又縣東三十里有三峯宋秘閣修撰向子諲薌林院存焉

梅仙峯在新淦縣東四十五里有梅嶽鄧紫四仙祠

仙女峯在新淦縣東七十里相傳唐乾符間李氏女得道於此鄉人為立廟又名嚴穆山

玉華峯在新淦縣北三十五里俗呼北雷峯相對者為著棋峯或

云王郭二仙弈處

澄嶺在新淦縣北八十里有泉清澈東北隸豐城界

葛僊峯在新淦縣西二十里又西十里為百丈峯頂闊百丈故

名俗呼西雷峯相傳宋王文卿修煉於此徽宗召王禱雨有應

教立雷壇峯北隸新喻縣

章山在清江城西晉羅浮道人章昉煉丹於此有丹池故名南連

瑞筠北接白牛岡諸山一名富壽岡

瑞筠山在清江縣南二里濱江勢峻嶒狀如龍之昂首唐歐陽董

居此產瑞竹色如銀故名

白牛岡在清江縣東三里有雷祠俗呼雷公嶺

閣阜山在清江縣東六十里縣志作二跨樂安豐城新淦三縣境

山形如閭色如阜道書第二十三福地漢張道陵晉丁令威萬	孝先修煉於此峯六東峯西峯鳳池蓮花凌雲玉女嶺四觀舍	雞坑嶠嶺西巘巖二金鐘藏錄原五葛總會仙桃花石白蠶原	石四雙鯉馬蹄石門朝斗宮曰崇真潭曰投龍塘曰九龍泉曰	漱玉池曰磨劍山中有靈仙館山北有高峯為丁真人壇	珠裏山閭阜祖山也在清江縣東六十餘里層巒疊嶂結為九龍	山高踞其巔形如圓珠故名	紫塗山在清江縣東四十里 縣志作三十里 周二十餘里高數十丈以塗	水經其下作紫金色故名一稱子塗山 縣志作子金山	孤山一名澄山在清江縣東六十里上有天池瀑布縣西北三十	里高安界有山獨高亦名孤山	雲谷山在清江縣東北二十五里三峯相峙有寺曰龍居	夏山在清江縣東北六十里上有寺門枕石潭其流不竭可灌田	數百畝
--------------------------	--------------------------	--------------------------	--------------------------	------------------------	---------------------------	-------------	---	---------------------------------------	---------------------------	--------------	------------------------	---------------------------	-----

龍岡山在清江縣南十里驛路有赤土如環者二相去數丈

棲梧山在清江縣西南三十里有太平玉虛二觀及靈茅丹井靖

蛟塘蟾蜍谷葛峯筋竹巖真君泉聖水亭諸遺蹟又西南五

里為黃岡山有仙女塔相傳東晉王長史遇仙女張麗英居棲梧山

沒葬於此

銀嶂山在清江縣北七十里周十餘里石色如銀故名或曰葛嘗

產銀

鍾秀山在清江縣西北三十里與孤山對峙下有查林寺有古銅

鐘聲極清遠

袁州府 瑞州府

武功山在萍鄉縣東一百二十里相傳晉時有武氏夫婦修煉於此遂以武公名山陳武帝自始興起兵討侯景之亂楚人歐陽頠助義夢武仙擁騎前驅以告帝帝以為平景之讖改名武功又云宋紹興間洞寇猖獗趙展統禁軍剿捕有功嘗立柵山上因名相傳萬元煉丹於此名萬仙峯根盤八百里跨吉袁二郡為袁郡來脈正幹

羅霄山與武功山相連高數千丈延廣百餘里下有石潭深不可測寰宇記云潭水旁出石乳或曰昔有羅霄居此因名按武功羅霄本為一山因巒岡起伏合中有分故一山而二名攷羅霄之名出劉宋王孚安成記其作虛蕭瀟者皆非羅霄洞在羅霄山上有萬仙壇側有黃龍潭四時霧雨沾灑寒氣凜冽即蘆水發源處

石筍峯在萍鄉縣東九十里岸律如筍其左有萬仙壇

九嶷山在萍鄉縣東七十里連帶九峯故名山側有仙鶴嶺若雙

鶴飛舞狀

雲蓋山在萍鄉縣東南一百十里雲氣氤氳朝暮不散

聖岡嶺在萍鄉縣東五十里眾山迤邐望之蒼翠晉甘卓駐兵築

壘其上有聖岡廟祀卓又縣南馬迹嶺亦卓遺蹟

玉女峯在萍鄉縣東六十里亦名玉女澱又名玉女岡天將雨有

五色雲氣湧出石間俗呼玉女披衣

金星石在萍鄉縣東五十里石室中有光若金色名金星石

毛仙山在萍鄉縣東二十三里古有毛仙驛方輿記云昔有人過

此山逢一人褊體生毛言辭異常後不復見朱子過此嘗問驛

卒云狐魅所為遂題詩驛中

明月山在萍鄉縣東一百二十里與宜春安福連界

羅漢影石在萍鄉縣東一百二十里宋元符二年巨石中裂聲如

雷其一屹立一墜田間各有形如羅漢

銀鳳嶺在萍鄉縣東五十里峯巒聳拔為縣脈之少祖